

АЗБУКА ВЕРЫ



Молебное пение о страждущих недугом винопития или наркомании

Молебное пение о страждущих недугом винопития или наркомании

*Текст утвержден Священным Синодом
Русской Православной Церкви
25 июля 2014 года (журнал № 80)*

Диáкон: Благослові, влады́ко.

Священник: Благословен Бог наш, всегда́, ны́не и прісно, и во ве́ки веко́в.

Лик: Ами́нь.

Диáкон: Сла́ва Тебе́, Бо́же наш, сла́ва Тебе́.

И мы: Царю́ Небесный, Уте́шителю, Ду́ше и́стины, Иже везде́ сый и вся исполня́яй, Сокро́вище
благих и жи́зни Подáтелю, прииди́ и всели́ся в ны, и очисти ны от вся́кия скверны, и спаси́,
Бла́же, ду́ши на́ша.

Та́же чтец:

Святы́й Бо́же, Святы́й Кре́пкий, Святы́й Безсме́ртный, поми́луй нас. Трѣ́жды.

Сла́ва, и ны́не:

Пресвята́я Трѣ́ице, поми́луй нас; Го́споди, очисти грехи́ на́ша; Влады́ко, прости́ беззакония
на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй, трѣ́жды.

Сла́ва, и ны́не:

Отче наш, Иже еси́ на Небесѣх! Да святѣ́тся и́мя Твое́, да приидет Ца́рствие Твое́, да бу́дет во́ля
Твоя́, я́ко на Небесѣх, и на землѣ́. Хлеб наш насущный даждь нам днесь; и остави́ нам до́лги
на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от
лука́ваго.

Священник: Яко Твое́ есть ца́рство, и си́ла, и сла́ва, Отца́, и Сы́на, и Свята́го Ду́ха, ны́не и
прісно, и во ве́ки веко́в.

Чтец: Ами́нь.

Го́споди, поми́луй, 12.

Сла́ва, и ны́не:

Приидѣ́те, поклонѣ́мся Царѣ́ви на́шему Бо́гу.

Приидѣ́те, поклонѣ́мся и припадѣ́м Христу́, Царѣ́ви на́шему Бо́гу.

Приидѣ́те, поклонѣ́мся и припадѣ́м Самому́ Христу́, Царѣ́ви и Бо́гу на́шему.

И псалом 26:

Господь просвещение мое и Спаситель мой, кого убоюсь? Господь Защититель живота моего, от кого устрашуся? Внегда приближатися на мя злобующим, еже снести плоти моя, оскорбляющим мя, и врази мои, тии изнемогша и падоша. Аще ополчится на мя полк, не убоится сердце мое, аще встанет на мя брань, на Него аз уповаю. Едино просих от Господа, то взыщу: еже жити ми в дому Господни вся дни живота моего, зрети ми красоту Господню, и посещати храм святой Его. Яко скры мя в селении Своём, в день зол моих, покры мя в тайне селения Своего, на камень вознесё мя. И ныне се вознесё главу мою, на враги моя: обыдох, и пожрох в селении Его жертву хваления и воскликновения, пою и воспою Господеви. Услыши, Господи, глас мой, имже возвах: помилуй мя, и услыши мя. Тебе рече сердце мое: Господа взыщу. Взыска Тебе лице мое, лица Твоего, Господи, взыщу. Не отврати лица Твоего от мене, и не уклонися гневом от раба Твоего: помощник мой буди, не отри ни мене, и не остави мене, Боже Спасителю мой. Яко отец мой и матери моя остависта мя, Господь же восприят мя. Законоположи ми, Господи, в пути Твоём, и настави мя на стезю правую враг моих ради. Не предаждь мене в души стужающих ми, яко восташа на мя свидетеле неправеднии, и солга неправда себе. Верую видети благая Господня на земли живых. Потерпи Господа, мужайся, и да крепится сердце твоё, и потерпи Господа.

Слава, и ныне:

Аллилуия, аллилуия, аллилуия, слава Тебе, Боже. Трижды.

Также диакон глаголет ектению:

Миром Господу помолимся.

Лик: Господи, помилуй.

О свышнем мире и спасении душ наших, Господу помолимся.

Лик: Господи, помилуй.

О мире всего мира, благостоянии святых Божиих Церквей и соединении всех, Господу помолимся.

Лик: Господи, помилуй.

О святем храме сем, и с верою, благоговением и страхом Божиим входящих вонь, Господу помолимся.

Лик: Господи, помилуй.

О великом господине и отце нашем святейшем Патриархе Кирилле, и о господине нашем высокопреосвященнейшем митрополите (или: архиепископе, или: преосвященнейшем епископе) имярек, честнем пресвитерстве, во Христе диаконстве, и о всем причте и людех, Господу помолимся.

Лик: Господи, помилуй.

О богохранимей стране нашей, властех и воинстве ея, Господу помолимся.

Лик: Господи, помилуй.

О граде сем (или: о вѣси сей, или: о святѣй обители сей), всяком граде, странѣ и вѣрою живущих в них, Господу помóлимся.

Лик: Господи, помилуй.

О благорастворѣнии воздóхов, о изобилии плодóв земных и вѣременех мирных, Господу помóлимся.

Лик: Господи, помилуй.

О плавающих, путешествующих, недóгующих, страждущих, плененных, и о спасѣнии их, Господу помóлимся.

Лик: Господи, помилуй.

Прилагает и сия:

О еже призрѣти милоствнно на [рабóв Свои́х](#) и́мярек, страждущих душо́ю и тѣлом, и разрешити их от уз смертоно́сныя стра́сти, Господу помóлимся.

Лик: Господи, помилуй.

О еже избáвити от па́губныя стра́сти винопíтия (или: наркомáнии) и соблюсти́ спасителным стра́хом в чистотѣ, воздержáнии и правде ду́ши страждущих рабóв Свои́х и́мярек, Господу помóлимся.

Лик: Господи, помилуй.

О еже посетити рабóв Свои́х и́мярек благода́тию Свята́го Ду́ха, и избáвити их от грехá сегó, в них гнездя́щагося, Господу помóлимся.

Лик: Господи, помилуй.

О еже низпослáти рабóм Свои́м и́мярек ду́ха премудрости и рáзума и всадити в сердца́ их страх божѣственный, Господу помóлимся.

Лик: Господи, помилуй.

О еже подáти им силу́ препобедити па́губную страсть и припа́сти к Бо́гу в покая́нии, да причáстницы благ вѣчных бóдут, Господу помóлимся.

Лик: Господи, помилуй.

О срóдницех их и зна́емых, пла́чущих и болѣзнующих, ча́ющих Христо́ва утешѣния, и о еже при́яти моли́твы их и воздыхáния, Господу помóлимся.

Лик: Господи, помилуй.

О избáвитися и́мже и нам от вся́кия скóрби, гнѣва и нóжды, Господу помóлимся.

Лик: Господи, помилуй.

Заступи́, спаси́, помилуй и сохрани́ нас, Бо́же, Твоѣю благода́тию.

Лик: Гóсподи, помíлуй.

Пресвяту́ю, Пречи́стую, Преблагословенну́ю, сла́вную Влады́чицу на́шу Богорóдицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Гóсподи.

Свяще́нник возглаша́ет:

Яко́ ми́лостив и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

Лик: Ами́нь.

И а́бие диа́кон глаго́лет во глас 4:

Бог Госпо́дь, и яви́ся нам, благослове́н Гряды́й во И́мя Госпо́дне.

Стих 1: Испове́дайтесь Гóсподеви, я́ко Благ, я́ко в век ми́лость Его́.

Стих 2: Обыше́дше, обыдо́ша мя, и И́менем Госпо́дним противля́хся им.

Стих 3: Не умру́, но жив бу́ду, и повём дела́ Госпо́дня.

Стих 4: Ка́мень, егóже небрего́ша зи́ждущии, сей бысть во главу́ у́гла: от Гóспода бысть сей, и есть дивен во очесе́х на́ших.

Лик: Бог Госпо́дь... во глас 4, к коему́ждо стиху́.

Та́же тропа́рь, глас 4:

Ско́рый в заступле́нии еди́н сый, Христе́,/ ско́рое свы́ше покажи́ посещение́ стра́ждущим рабо́м Твои́м,/ изба́ви их от недуг и страсте́й,/ приведи́ их ко спаси́тельному воздержанию́,/ и воздви́гни к жи́зни ве́чной в любви́ к Тебе́,/ во е́же пе́ти Тя и сла́вити непреста́нно, // моли́твами Богорóдицы, еди́не Человеколю́бче.

Сла́ва, и ны́не, глас то́йже:

(Тропа́рь ико́не Бо́жия Ма́тере, имену́емой [«Неупива́емая Ча́ша»](#))

Днесь притеце́м, ве́рнии,/ к божество́нному и пречу́дному о́бразу Пресвяты́я Богома́тере,/ напая́ющия ве́рных серде́ц/ небе́сною Неупива́емою Ча́шею Своего́ милосе́рдия,/ и лю́дем ве́рным чуде́са показу́ющия,/ я́же мы ви́дяще и слы́шаще, духо́вно прáзднуем и те́пле вопие́м:/ Влады́чице Премилоси́вая,/ исцели́ на́ша недуги и стра́сти,/ моля́щи Сы́на Твоего́,/ Христа́ Бо́га на́шего, // спасти́ ду́ши на́ша.

Диа́кон: Во́ннем. Прему́дрость. Во́ннем.

Чтец: Прокíмен, глас 4: Та́мо бо рука́ Твоя́ наста́вит мя, и удержи́т мя десни́ца Твоя́.

Стих: Яко́ Ты созда́л еси́ утробы́ моя́, восприя́л мя еси́ из чре́ва ма́тере моея́.

Диа́кон: Прему́дрость.

Чтец: Ко Ефесеем послания святого апостола Павла чтение.

Диакон: Вонмем.

Чтец глаголет апостол ко Ефесеем (зачало 229):

Братие, яко чада света ходите: плод бо духовный есть во всякой благостыни и правде и истине. Искушающе, что есть благоугодно Богу. И не приобщайтесь к делу неплодному тьмы, паче же и обличайте. Бываемая бо отай от них, срамно есть и глаголати. Вся же обличаемая, от света являются: все бо являемое свет есть. Сего ради глаголет: востани, спяй, и воскресни от мертвых, и осветит тя Христос. Блюдайте убо, како опасно ходите, не якоже немудри, но якоже премудри, искупующе время, яко дни лукавы суть. Сего ради не бывайте несмысленны, но разумевающе, что есть воля Божия. И не упивайтесь вином, в немже есть блуд: но паче исполняйтесь духом, глаголюще себе во псалмах и пениих, и песнях духовных, воспевающе и поюще в сердцах ваших Господеву.

Священник: Мир ти.

Чтец: И духови твоему.

Аллилуия, глас 4:

Стих: Помощь моя от Господа, сотворшаго небо и землю.

Стих: Изведи из темницы душу мою.

Диакон: Премудрость, прости, услышим святого Евангелия.

Священник: Мир всем.

Лик: И духови твоему.

Священник: От Луки святого Евангелия чтение.

Лик: Слава Тебе, Господи, слава Тебе.

Диакон: Вонмем.

И четет священник Евангелие от Луки (зачало 38):

Во время оно, пришедшу Иисусу во страну Гадаринску, яже есть об он пол Галилеи. Изшедшу же Ему на землю, срете Его муж некий от града, яже имяше бесы от лет многих, и в ризу не облачашеся, и во храме не живяше, но во гробех. Узрев же Иисуса, и возопив, припад к Немю, и гласом велиим рече: что мне и Тебе, Иисусе Сыне Бога Вышняго; молюся Ти, не мучи мене. Повеле бо духови нечистому изыти от человека: от многих бо лет восхищаше его: и вязаху его узы железны и путы, стрегуще его: и растерзая узы, гоним бываше бесом сквозе пустыни. Вопроси его Иисус, глаголя: что ти есть имя? Он же рече: легеон: яко беси мнози внидоша вонь. И моляху Его, да не повелит им в бездну ити. Бе же ту стадо свиней много пасомо в горе: и моляху Его, да повелит им в ты внити, и повеле им. Изшедше же беси от человека, внидоша во свиния: и устремися стадо по брегу в езеро, и истопе. Видевше же пасущии бывшее, бежаша, и возвестиша во граде и в селех. Изыдоша же видети бывшее: и приидоша ко Иисусови, и обретоша человека сидяща, из негоже беси изыдоша, оболчена и смыслаща, при ногу Иисусову: и убояшася. Возвестиша же им видевшии, како спасеся бесновавыйся. И моли

Его́ весь наро́д страны́ Гадари́нския оты́ти от них, я́ко стра́хом ве́лиим одержи́ми бе́ху. Он же влез в кора́бль, возврати́ся. Моля́шеся же Ему́ муж, из него́же изыдо́ша бе́си, дабы́ с Ним был. Отпусти́ же его́ Иису́с, глаго́ля: возврати́ся в дом твой, и пове́дай, ели́ка ти сотвори́ Бог. И иде́ по всему́ гра́ду пропове́дая, ели́ка сотвори́ ему́ Иису́с.

Лик: Сла́ва Тебе́, Го́споди, сла́ва Тебе́.

Та́же глаго́лет диа́кон ектению́:

Поми́луй нас, Бо́же, по вели́цей ми́лости Твое́й, мо́лим Ти ся, услы́ши и поми́луй.

Лик: Го́споди, поми́луй, три́жды.

Еще́ мо́лимся о вели́ком господи́не и отце́ на́шем Святéйшем Патри́архе Кири́лле, и о господи́не на́шем высокопреосвяще́ннейшем митрополи́те (или́: архиепи́скопе, или́: преосвяще́ннейшем епи́скопе) и́мярек, и о всей во Христе́ бра́тии на́шей.

Лик: Го́споди, поми́луй, три́жды.

Еще́ мо́лимся о Богохрани́мей стране́ на́шей, власте́х и во́инстве ея́, да ти́хое и безмо́льное жити́е поживе́м во вся́ком благоче́стии и чистоте́.

Лик: Го́споди, поми́луй, три́жды.

Прилага́ет и сия́:

Не хотя́й сме́рти грешных, но е́же обрати́ся и живы́м им бы́ти, пощади́ и поми́луй рабо́в Твои́х и́мярек, исцели́ болéзнь, уврачу́й стра́сти душ и телéс их, и, я́ко благосе́рд, прости́ им вся прегреше́ния во́льная и нево́льная и ско́ро воздви́гни их от пу́ти поги́бели, мо́лим Ти ся, услы́ши и поми́луй.

Лик: Го́споди, поми́луй, три́жды.

При́зри, Го́споди, ми́лостивно на рабы́ Твоя́ и́мярек, порабо́щенныя па́губною стра́стию, да́руй им позна́ти сла́дость воздержáния и произраста́ющих от него́ пло́дов духо́вных, мо́лим Ти ся, услы́ши и поми́луй.

Лик: Го́споди, поми́луй, три́жды.

О е́же пощади́ти рабо́в Твои́х и́мярек, и прости́ти им вся́кое прегреше́ние во́льное и нево́льное, показáти на них вели́кую Твою́ ми́лость, изба́вити от грехо́внаго пленéния и наси́лия дяво́льскаго, мо́лим Ти ся, услы́ши и поми́луй.

Лик: Го́споди, поми́луй, три́жды.

О е́же не умре́ти рабо́м Твои́м и́мярек лю́тою сме́ртию, но оживотвори́тися Кро́вию Твое́ю Честно́ю и исцели́тися от го́рести, е́юже их сопроти́вник напои́, мо́лимся Тебе́, Врачу́ душ и телéс, услы́ши и ми́лостивно поми́луй.

Лик: Го́споди, поми́луй, три́жды.

Я́ко бесно́ватаго страны́ Гадари́нския Божéственною си́лою от наси́лия дяво́льскаго свободи́вый, исцели́ рабо́в Твои́х и́мярек, лю́те стра́ждущих, мо́лим Ти ся, услы́ши и поми́луй.

Лик: Гóсподи, помíлуй, трíжды.

Священник возглас:

Услыши ны, Бóже, Спасителю наш, уповáние всех концéв земли, и сýщих в мóри далéче, и мíлостив, мíлостив б́уди, Влады́ко, о гресéх нáших, и помíлуй ны: Мíлостив бо и Человеколю́бец Бог еси́, и Тебе́ сла́ву возсыла́ем, Отцý, и Сы́ну, и Свято́му Дýху, ны́не и прíсно, и во ве́ки веко́в.

Лик: Ами́нь.

Диáкон: Гóсподу помóлимся.

Лик: Гóсподи, помíлуй.

Священник глаголет моли́тву:

Влады́ко Гóсподи, сотвори́вый челове́ка по образу́ Твоему́ и по подóбию, и Дýха Свята́го томú дарова́вый! Изба́ви па́дшее создáние Твое́ от рабóты вра́жия, отвéрзи ему́ двéри покая́ния, Ангела свéтла послí ему́, избавля́ющая от всякаго навета́ вра́жия. Услыши, Бóже, припада́ющих к Тебе́ в ско́рби и печа́ли и не отврати́ лица́ Твоего́ от одержи́мых па́губною стра́стию винопи́тия (или́: наркомáнии), но даждь им крéпость, наде́жду, ве́ру, произво́ление благо́е утверди́ и приведи́ их ко спаси́тельному воздержáнию, попали́ те́рние согрешéний во́льных и нево́льных, да вселит́ся в них благода́ть Твоя́, просвещáющая и очища́ющая всего́ челове́ка. Исцели́ их от тяжкаго недýга пьянства (или́: наркомáнии), свободи́ от омрачéния духо́внаго и окаменéния сердéчнаго. Дáруй им здравие душе́вное и телéсное, напра́ви на путь трудолю́бия и благочест́ия. Услыши, Мíлостивый Гóсподи, вопль роди́телей и срóдников, пла́чущих о ча́дах и бли́зних сво́их. Твое́ бо есть́ е́же мíловати и спаса́ти ны, Бóже наш, и Тебе́ сла́ву возсыла́ем, Отцý, и Сы́ну, и Свято́му Дýху, ны́не и прíсно, и во ве́ки веко́в.

Лик: Ами́нь.

Диáкон: Премúдрость.

Священник: Пресвята́я Богороди́це, спаси́ нас.

Лик: Честне́йшую херувíм, и сла́внейшую без сравне́ния серафíм, без ислéния Бóга Слова́ рóждшую, сýщую Богороди́цу Тя велича́ем.

Священник: Сла́ва Тебе́, Христé Бóже, уповáние нáше, сла́ва Тебе́.

Лик: Сла́ва Отцý, и Сы́ну, и Свято́му Дýху, и ны́не и прíсно, и во ве́ки веко́в. Ами́нь.

Гóсподи, помíлуй, трíжды. Благослови́.

Священник глаголет отпу́ст:

Христóс и́стинный Бог наш, моли́твами Пречíстыя Своея́ Мáтере, сíлою Честна́го и Животворя́щаго Крестá, моли́твами свята́го мýченика Вонифáтия, преподóбныя Марíи Егíпетския и всех свята́х, помíлуе́т и спаса́е́т нас, я́ко Благ и Человеколю́бец.

Лик: Ами́нь. Гóсподи, помíлуй, трíжды.